

## Iech hat en Traam

Iech hat heit Nacht en Traam.  
Soos unner en Vugelbeerbaam.  
Guckt vom Liemstaa nei ins Tol.  
Dacht dorbei an Vergangnes mol.

Saa miech ieber Falder gieh.  
Nauf zem Hiebel. Dos war schie.  
Dor Fichtelbaarg is aa net weit.  
Do warn mor oft in friehrer Zeit.

Sei gewannert dann ins Tol.  
Noch Crutendorf, do wuhnt iech mol.  
Dor Zschoop entlang, dos war fei schie.  
Manchmol ging's zor Siemhaad hie.

De Vugeln singe e schienes Lied.  
Dos is su gut fier mei Gemiet.  
Dor Wald, dar rauscht aa noch dorzu.  
Mei Haamit lesst mir kaane Ruh.

Drim traamt iech heite Nacht dorfu.  
Deck itze mit dor Deck mich zu.  
Schloof nu wetter uhne Traam.  
Is Aarzgebirg, dos is mei Laam.

© Uwe Seltmann

Oktober 2019

[www.seltmannuwe.de](http://www.seltmannuwe.de)

[uwe-seltmann@outlook.de](mailto:uwe-seltmann@outlook.de)